



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

XXV. Ad immodestos in oculis.

[urn:nbn:de:hbz:466:1-52716](#)

EXHORTATIUNCULA. XXV.

Ad Immodestos, & Dissolutos in oculis.

I.

AMICISSIME! Quid sibi frivola curiositas? Hæc quantum obfuit Evæ, Davidi, Samsoni, Holoferni? Sumusne hîs tutiores? Vel plus quam homines? Et tamen oculis tam liberi, laxi, & effusi evagamur? Citò! citò claudantur! *Mors enim ascendit per fenestras.*

Instructio meritoria.

Sit firmum, & fixum, hodie saepius tollere ad sidera vultus cum gemitu: *O quam sordet mihi terra, dum cœlum aspicio.* Et ut in virili modestia, ac gravitate crescat, ter coram Crucifijo flectat, & clausis penitus oculis, ac inclinato capite oret in honorem s. sensuum Christi Jesu *quinque Pater, & Ave.* Oculum pro oculo! Modestum pro modestissimo.

II.

CHARISSIME! cur volumus videre, quod non licet habere? Cur vana, ridicula, curiosa, & noxia, quæ cor non satiant: sed turbant; non recreant, sed inquietant. Latet intus, quod intueamur, & intuendô delectemur, videlicet bona conscientia, virtutibus, & meritis plena. Hæc in eo perit, qui oculum non custodit. Cavete! Claudite!

Instructio meritoria.

Modestia, & verecundia vestra sit nota omnibus hominibus. Hæc maximus decor est in

religionibus. *Sine verecundia, ait Tullius, nihil rectum esse potest, nihil honestum.* Non sumus proin familiares fœminis! Has fugasse, est cœlum expugnâsse. Sanctum odium ut erga hunc sexum nutriamus, *quinque Ave* in honorem Immaculatæ Virginis Mariæ statim, quando surgimus, à manè persolvamus. Novisse Mariam, & hanc unicam, pertinet ad perfectam animam.

III.

AMICE! Damnabilis curiositas est, intendere aliorum vitiis. Rogo: Nobis ipsis attendamus! Quid enim videmus festucam in oculo fratris, & trabem in nostro non attendimus. Quæ hæc hypocrisis, & Pharisæorum impietas? Non in proximos, sed in terram oculi defigantur adeò temerarii, ut suam cognoscant misericordiam. De terra sumus; & brevè revertemur illic. Ad quid tam elata in alios supericia?

Instructio meritoria.

Malo tam infelici ut serio remedeamur, ad omnia, quibus fortè tentabimur hodiè, judicia frivola nos ipsis generosè increpemus illud Christi Domini opponendò: *Quid ad te? Tu me sequere.* Et quia judicandò aliquos frequenter delinquimus, diluamus opera totius diei hodiernæ donandò illis, quos aut verbō, aut cogitatione, aut ipsō factō contristavimus, & offendimus. Pro confirmatione pietatis addamus Lytaniae de omnibus Sanctis. Amicos, & Advocatos inventit, qui Sanctos colit.

EX-

